



Odluka
o davanju saglasnosti na Odluku o preraspodjeli sredstava planiranih
u Budžetu Grada Sarajeva za 2019. godinu
(prijedlog)

Predlagač: Gradonačelnik

Obradivač: Gradska služba za opću upravu i
zajedničke poslove

Sarajevo, mart 2019. godine



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), Gradsko vijeće Grada Sarajeva, na sjednici od _____ donosi

(prijedlog)

Odluku
o davanju saglasnosti na Odluku o preraspodjeli sredstava planiranih
u Budžetu Grada Sarajeva za 2019. godinu

Član 1.

Ovom odlukom daje se saglasnost na Odluku o preraspodjeli sredstava planiranih u Budžetu Grada Sarajeva za 2019. godinu, broj: 01/04-14-2220/19 od 25.03.2019. godine.

Član 2.

Ovlašćuje se Gradonačelnik Grada Sarajeva da donese odluku iz člana 1. ove Odluke.

Član 3.

Odluka stupa na snagu danom donošenja, a objavit će se u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA
GRADA SARAJEVA**

Igor dr. Gavrić

Broj:
Sarajevo, __. __. 2019. godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), kojim je propisano da Gradsko vijeće Grada Sarajeva ima nadležnost da donosi odluke, druge propise i opće akte i daje njihovo tumačenje.

RAZLOZI DONOŠENJA

Razlozi donošenja ove odluke sadržani su u inicijativi gradskog vijećnika Vedada Deljkovića da se stipendiraju svi učenici koji su podnijeli aplikaciju po raspisanom javnom pozivu, a zadovoljavaju propisane uslove, te da u tom cilju gradonačelnik osigura potrebna novčana sredstva preraspodjelom ili na drugi prikladan način.

Inicijativa vijećnika Deljkovića postala je inicijativom Gradskog vijeća na 26. sjednice, te u cilju osiguranja sredstava neophodnih za stipendiranje ukupno 294 učenika, koliko ih ispunjava uslove javnog poziva, predloženo je da se navedena sredstva preraspodjele Odlukom o preraspodjeli sredstava planiranih u Budžetu Grada Sarajeva broj 01/04-14-2220/19 od 25.03.2019. godine, kojom se sredstva planirana u Budžetu Grada Sarajeva za 2019. godinu ("Službene novine Kantona Sarajevo", broj 54/18) na poziciji 615100- Projekat Bentbaša-Dariva u iznosu od 164.700,00 KM preraspodjeljuju se na poziciju 614200 – Stipendiranje učenika osnovnih i srednjih škola iz socijalno ugroženih porodica.

U Budžetu Grada Sarajeva za 2019. godinu planirana su sredstva na poziciji 615100- Projekat Bentbaša-Dariva u iznosu od 300.000,00, koja neće biti u potpunosti realizovana, te je gradonačelnik, postupajući po inicijativi Gradskog vijeća predložio donošenje odluke kojom bi se obezbijedilo, odnosno dala saglasnost na preraspodjelu sredstva u potrebnom iznosu za stipendiranje ukupno 294 učenika.

Imajući u vidu navedeno, a u cilju obezbjeđenja transparentnosti trošenja finansijskih sredstava budžeta Grada Sarajeva, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke nisu potrebna.



Broj: 01/04-14-2220/19
Sarajevo, 25.03.2019. godine

Na osnovu člana 7. stav 1. i 2. Odluke o izvršavanju Budžeta Grada Sarajeva za 2019. godinu („Službene novine Kantona Sarajevo“, broj 54/18), gradonačelnik donosi:

O D L U K U
o preraspodjeli sredstava planiranih
u Budžetu Grada Sarajeva za 2019. godinu

Član 1.

Ovom Odlukom, sredstva planirana u Budžetu Grada Sarajeva za 2019. godinu ("Službene novine Kantona Sarajevo", broj 54/18) na poziciji 615100- Projekat Bentbaša-Dariva u iznosu od 164.700,00 KM preraspodjeljuju se na poziciju 614200 – Stipendiranje učenika osnovnih i srednjih škola iz socijalno ugroženih porodica.

Član 2.

Za realizaciju ove odluke zadužuje se Služba za obrazovanje, kulturu, sport i mlade i Služba za finansije.

Član 3.

Ova Odluka stupa na snagu danom donošenja.

Obrazloženje

Pravni osnov za donošenje ove Odluke sadržan je u članu 7. stav 1. i 2. Odluke o izvršavanju Budžeta Grada Sarajeva za 2019. godinu, kojim je propisano da preraspodjela sredstava ne može biti veća od 10% ukupno odobrenih rashoda i izdataka, a preraspodjela je iznimno dozvoljena po odluci Gradonačelnika, na prijedlog Gradske službe finansija.

U Budžetu Grada Sarajeva za 2019. godinu planirana su sredstva na poziciji 615100- Projekat Bentbaša-Dariva u iznosu od 300.000,00, koja neće biti u potpunosti realizovana.

Nakon sačinjavanja preliminarnog spiska učenika koji zadovoljavaju propisane uslove po raspisanom Konkursu za dodjelu stipendija iz sredstava Budžeta Grada Sarajeva za 2019. godinu, Komisija imenovana Rješenjem gradonačelnika broj: 01/09-05-1767/19, na osnovu Odluke Gradskog vijeća Grada Sarajeva o izboru članova Komisije (Službene novine Kantona Sarajevo, broj 8/19) utvrdila je da 294 učenika ispunjavaju uslove javnog poziva, a da su obezbijeđena sredstva za 111 stipendija.



Obzirom da je inicijativa gradskog vijećnika Vedada Deljkovića da se stipendiraju svi učenici koji su podnijeli aplikaciju po raspisanom javnom pozivu, a zadovoljavaju propisane uslove, te u tom cilju gradonačelnik osigura potrebna novčana sredstva preraspodjelom ili na drugi prikladan način, postala inicijativom Gradskog vijeća sa 26. sjednice, te u cilju osiguranja nedostajućih sredstava za stipendije 183 učenika, odnosno neophodnih za stipendiranje ukupno 294 učenika, predloženo je da se navedena sredstva preraspodjele, kao u članu 1. ove odluke.

S obzirom da za ta sredstva nisu planirana Budžetom Grada Sarajeva za 2019. godinu neophodna je preraspodjela sredstava za ovu namjenu.

Shodno iznesenom, predloženo je da se navedena sredstva preraspodjele, kao u članu 1. ove Odluke, za realizaciju navedenog u iznosu od 164.700,00 KM .

GRADONAČELNIK

mr. Abdulah Skaka

Dostaviti:

- Gradska služba za obrazovanje, kulturu, sport i mlade
- Gradska služba finansija,
- a/a